



Na osnovu člana IV.3 b) Ustava Bosne i Hercegovine i člana 163. Poslovnika Predstavničkog doma Parlamentarne skupštine Bosne i Hercegovine, Predstavnički dom je na 8. sjednici, održanoj 15. 5, 19. 5. i 20. 5. 2020. godine, usvojio

## REZOLUCIJU O POŠTIVANJU ŽRTAVA FAŠISTIČKIH REŽIMA I POKRETA

*Sjećajući se miliona žrtava fašističkih režima,  
Opredijeljeni da zaštitimo njihovo dostojanstvo,  
Uzimajući u obzir da je značajan broj žrtava iz Bosne i Hercegovine,  
Rukovodeći se ciljevima i principima Povelje Ujedinjenih naroda,  
Posvećeni principima pravde, tolerancije i suživota, slobode misli, savjesti i vjere,  
Odlučni da odbranimo civilizacijske vrijednosti antifašizma od historijskog revizionizma,  
Ponosni na antifašističku tradiciju građana Bosne i Hercegovine, Bošnjaka, Hrvata, Srba i Ostalih,  
Opredijeljeni za institucionalno djelovanje u skladu sa Ustavom, zakonima i međunarodnim obavezama Bosne i Hercegovine,  
Potvrđujući činjenicu da je ustaški režim tzv. Nezavisne države Hrvatske univerzalno poznat po svom fašističkom karakteru,  
Predstavnički dom Parlamentarne skupštine Bosne i Hercegovine izražava sljedeće stavove i daje sljedeće smjernice povodom održane mise za Bleiburg:*

1. Traži od Predsjedništva Bosne i Hercegovine i Vijeća ministara Bosne i Hercegovine da sazovu Mješovitu komisiju ustanovljenu članom 18. Temelnog ugovora između Svete Stolice i Bosne i Hercegovine s ciljem razmatranja pitanja vezanih za održanu misu za Bleiburg.
2. Traži od Predsjedništva Bosne i Hercegovine i Ministarstva vanjskih poslova Bosne i Hercegovine da obavijeste Republiku Hrvatsku da su za Bosnu i Hercegovinu neprihvatljive organizacije bilo kakvih događaja vezanih za Bleiburg na teritoriji Bosne i Hercegovine, uključujući pokroviteljstvo takvih događaja od strane Sabora Republike Hrvatske i njihove najave od predsjednika Sabora.
- 2.a. Osuđuje se predaja Jasenovačke građe koju je vlast u Republici Srpskoj otuđila i predala Republici Hrvatskoj, te je tako Republika Srpska i Bosna i Hercegovina ostala bez vrijedne historijske građe o zločinima Nezavisne Države Hrvatske nad Srbima, Jevrejima, Romima i ostalim antifašistima u Bosni i Hercegovini.
3. Izražava saučešće svim potomcima žrtava ustaškog režima.
4. Ova rezolucija bit će dostavljena Evropskom parlamentu.

Ova rezolucija stupa na snagu danom donošenja, a bit će objavljena u „Službenom glasniku BiH“.

Broj: 01-02-2-942/20  
Sarajevo, 20. 5. 2020.

Predsjedavajući  
Predstavničkog doma  
Parlamentarne skupštine BiH  
**Nebojša Radmanović**